

فضل العمال



لما نفكر راح نتشطر

لو نتعلم نفهم أكثر

شوفوا يا حبايبي هقولكم
أيه

حسوا كلامي وفكروا فيه

لازم نعرف حاجة مهمة

قبل ما أقولها

عايزة أحكي حكاية ضايقتني

إنما برضوا أنا لازم أحكيها

علشان تعرفوا مقصودي فيها

وڪمان تتفهموا معانيها

دى حكاية صديقتنا نهال

بنت لطيفة مفيش جدال

والدها عامل غلبان

شغال من ضمن العمال

وأنا واقفة سمعت كذا حوار

بين صديقتنا نادين ونهال

نادين بكل غرور

انا بابى رجل أعمال

وانتى بباكى عامل. زبال

ونهال زعلت وأما شافتنى

جت تجرى عليا فى الحال

قالت شفتى يا مس صديقتى نادين

بتعيب فى والدى المسكين

قلت تعالى هنا يا نادين

عايزاكى تفهمى حاجة فى الدين

دينا حنيف ..دينا فطين

مايفرقش بين غنى وفقير

وبلدنا فعلا يا حبيبتي

زى مانحتاج كدا لوزير

برضوا بنحتاج فيها لغفير

يعنى يا حبايبي يا حلوين

لو غاب عامل النظافة

عن بلدنا ولو ليومين

أيه راح يجرى؟

الزبالة راح تتراكم جوة بيوتنا

وهتملى طريقنا وشوارعنا
والحشرات هتزيد فى بلدنا
والأمراض تتمكن منا
وهيتلوث حتى هوانا
ومبيقاش الجو نظيف
هى دى الحاجة المهمة
الى أنا عايزة أحكى لكم عليها
شوفتوا بلدنا من غير عمال
أيه راح يجرى يا حبايبى فيها
شفتى أزاى يا نادين يا حبيبتي
من غير عمال مش هنعيش
أيوة يا مس أنا كدا فهمت
ولشغل العامل قدرت

علشان کدا هضريله سلام

خلال من عمل العمال

وڪمان قدام كل صحابى

بتأسف لصديقتى نهال.

:

